



ԱՌԱՋՆՈՐԴԱՐԱՆ ՅԱՅՈՅ
ՅԻՄԻՍԱՅԻՆ ԱՍԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
 Archbishop Moushegh Mardirossian, Prelate
 Tel: 818-248-7737/8, Fax: 818-248-7745, E-mail: Prelacy@aol.com



ՊԱՇՏՈՆԱԿԱՆ ԲԱՑՈՒՄ
ԱՐԵՄՏԵԱՆ ԹԵՄԻ ԱԶԳԱՅԻՆ ԱՌԱՋՆՈՐԴԱՐԱՆԻ
ՆՈՐԱԿԱՌՈՅՑ ՅԱՄԱԼԻՐԻՆ

*ԵԹԵ ՏԵՐԸ ԻՆՔ ԶԾԻՆԷ ՏՈՒՆԸ, ՉՈՒՐ ՏԵՂ ԿԸ ՅՈԳՆԻՆ ՉԱՅՆ ՇԻՆՈՂՆԵՐԸ.
 ԵԹԵ ՏԵՐԸ ԻՆՔ ԶՊԱՅՊԱՆԷ ՔԱՂԱՔԸ, ՉՈՒՐ ՏԵՂ ԿԸ ՅՍԿԵՆ
 ՊԱՅՊԱՆՆԵՐԸ
 (Սաղմոս 127.1)*

Որքան կը պատշաճին այս խօսքերը Յիւսիսային Ամերիկայի Արեւմտեան Թեմի Ազգային Առաջնորդարանիս համալիրի կառուցման, այն կառոյցին՝ որ քար ու աղիւս, շինանիւթ, հող ու ու շաղախ ըլլալէ բացի, արդարեւ Է՝ ոգեղէն կառոյց մը, հոգեւոր եւ մշակութային օճախ մը, ազգին Տունը, որուն Պահապանն ու Կառուցողը Տերը Ինք Է, ուրկէ գալիք աշխատանքը պիտի ծառայէ ի փառս Աստուծոյ, ի հոգեւոր շինութիւն ազգիս գաւակաց եւ ի հպարտութիւն Յայ ժողովրդեան:

ՊԱՇՏՈՆԱԿԱՆ ԲԱՑՈՒՄ ԱՌԱՋՆՈՐԴԱՐԱՆԻՍ ՆՈՐԱԿԱՌՈՅՑ ՅԱՄԱԼԻՐԻՆ

Տարիներու փայփայուած երազը հիմա կ'իրականանար, ծրագիրներն ու աշխատանքները իրենց լրումին կը հասնէին, առթուած դժուարութիւնները հիմա կը քաղցրանային՝ ի տես Ազգային Առաջնորդարանիս գեղակերտ շէնքին բարձրացման, կառոյց մը՝ որուն մէջ հայկական ճարտարապետական ոճն ու արդին իրարու կը միաձուլուէին, տալով անոր վեհութիւն մը եւ գեղեցկութիւն մը, որուն դիմացէն անցած ժամանակ կարելի չէ պահ մը կանգ չառնել ու զմայլած չդիտել:



Կիրակի, 6 Մայիսի յետ միջօրէին Լա Զրեսեսթա հովիտը քիչ մը աւելի հայութիւն կը բուրեր: Ամերիկեան եւ Բալիֆորնիա Նահանգի դրօշակներուն

կողքին հպարտութեամբ կը ծածաներ Հայկական Եռագոյնը: Իսկ հայրենիքին մէջ քանդակուած ու հոնկէ բերուած խաչքարերու ներկայութիւնը՝ տարբեր յոյս ու հաւատք կը ներշնչէր բոլորին անխտիր: Հայրենիքէն հեռու, սակայն հայրենիքի ոգին իր մէջ ներառած նորակառոյց Առաջնորդարանիս համալիրը, այդ օր անգամ մը եւս ի մի կը խմբեր թեմիս հոգեւորականները, ազգային ժողովականութիւնը, գաղութիս ղեկավարները, ազգային բարերարներն ու նուիրեալ ժողովուրդի զաւակները, միասնաբար ականատես վկաները ըլլալու Առաջնորդարանիս հանդիսաւոր բացման արարողութեան, ինչպէս նաեւ Ս. Տրդատ ու Ս. Աշխէն մատուռիս անուանակոչութեան, 16 սինախաչերու եւ մկրտութեան աւագանի օծման, ձեռամբ թեմիս բարեջան Առաջնորդ Բարձր. Տ. Մուշեղ Ս. Արք. Մարտիրոսեանի:

Հանդիսաւոր այս բացման ներկայ էին պաշտօնական հիւրեր. Հայաստանի գլխաւոր հիւպատոս Տիար Արմէն Լիլոյեան, Հայ Կաթողիկէ եւ Հայ Աւետարանական համայնքներու ներկայացուցիչներ, Հայ Աւետարանական Եկեղեցիներու Միութեան Հովիւ Վերապատուելի Յովսէփ Մաթոսեան, ՀՀԴ Բիւրոյի ներկայացուցիչ Դոկտ. Վիգէն Յովսէփեան, ՀՀԴ Կեդրոնական Կոմիտէի ներկայացուցիչ Տիար Աւետիք Իզմիրլեան եւ անդամներ, Ազգ. Կեդրոնական Վարչութեան անդամ՝ Տիար Խաժակ Տիգրիճեան, Ազգային Վարչութեան նախկին ատենապետներ Տեարք Հրայր Պալեան եւ Աւօ Տօնոյեան եւ Վարչութեան անդամներ, ՀՕՄԻ, Հ.Ս.Ը.Ս.Ի, Համազգայինի, հայրենակցական, բարեսիրական եւ մշակութային միութիւններու, թեմիս եկեղեցիներու հոգաբարձական, երեսփոխանական եւ տիկնակց կազմերու ներկայացուցիչներ, ծխական մարմիններ, Ազգային Վարժարաններու տնօրէններ, ազգային բարերարներ, նուիրատուներ, մամուլի եւ հեռատեսիլի ներկայացուցիչներ, եւ անլի քան հինգ հարիւր ազգայիններ:

Յետ միջօրեի ժամը 3:00-ին, Ազգ. Առաջնորդարանի շէնքի պաշտօնական բացումէն եւ եկեղեցական արարողութիւններէն անմիջապէս առաջ, շէնքի իւրաքանչիւր գրասենեակի եւ առանձին բաժնի բացման արարողութիւնն ու ժապաւենի հատումը կատարուեցաւ, ձեռամբ՝ Առաջնորդ Սրբազան Հօր եւ տուեալ բաժնի հովանաւորութիւնը ստանձնած բարերարներուն եւ անոնց հարազատներուն:



Առ այդ՝ առաջին հերթին կատարուեցաւ շէնքի առաջին յարկի՝ մուտքի, ընդունարանի, գրասենեակներու, ժողովասրահի, «Տիգրան եւ Չարուհի Տեր Ղազարեան» սրահի եւ գրատան բացումը, ապա երկրորդ յարկի հարաւային թելի՝ Զրիստոնեական Դաստիարակութեան Բաժանմունքի, Լրատուական, Պետական Վարժարաններու Հայ Աշակերտներու Հարցերով Չբաղող Յանձնախումբի (CASPS), Խնամակալ Մարմնի, Տիկնակց Մարմնի եւ Հիւրերու Կեցութեան բաժնի սենեակներու բացումը, ապա հիւսիսային

թելին վրայ եղող ընդունարանի, սեղանատան, Առաջնորդ Սրբազան Հոր գրասենեակի ու կեցութեան բաժնի եւ «Սիւլահեան դահլիճ»ի բացման արարողութիւնը: Իւրաքանչիւր գրասենեակի եւ յարակից բաժիններու բացումը կատարուեցաւ օրհնութեամբ եւ աղօթքով:

Իսկ ժամը 4:00-ին, յատուկ հանդիսաւորութեամբ կատարուեցաւ Ազգ. Առաջնորդարանի նորակառոյց համալիրի պաշտօնական բացման արարողութիւնն ու ժապաւէնի հատումը, ձեռամբ՝ Առաջնորդ Սրբազան Հոր, Առաջնորդարանիս գլխաւոր բարերար Տէր եւ Տիկին ժան եւ Աստղիկ Պետրոսեանի, Հայաստանի գլխաւոր հիւպատոս Տիար Արմէն Լիլոյեանի, ՀՀԴ Բիւրոյի ներկայացուցիչ Դոկտ. Վիգէն Յովսէփեանի, ՀՀԴ Կեդրոնական Կոմիտէի ներկայացուցիչ Տիար Աւետիք Իգմիրլեանի, Ազգ. Կեդրոնական Վարչութեան անդամ Տիար Խաժակ Տիքիճեանի եւ Ազգային Վարչութեան Ատենապետ Դոկտ. Կարօ Յակոբեանի:

ԱՆՈՒԱՆԱԿՈՉՈՒԹԻՒՆ Ս. ՏՐՂԱՏ ԵՒ Ս. ԱԶԽԷՆ ՄԱՏՐԱՆ, 16 ՍԻՆԱԽԱՋԵՐՈՒ, ՄԿՐՏՈՒԹԱՆ ԱՄԶԱՆԻ ԵՒ ՍՐԲԱՊԱՏԿԵՐԻ ՕԾՈՒՄ

2005-ի Հոկտեմբերին, երբ Ն.Ս.Օ.Տ.Տ. Արամ Ա. Հայրապետը հովուապետական այցելութեամբ կը պատուէր Արեւմտեան մեր Թեմը, իր ձեռամբ կատարուեցաւ Ս. Տրղատ եւ Ս. Աշխէն մատրան Ս. Խորանի եւ գմբէթի խաչի օծումը, ինչպէս նաեւ նորակառոյց Առաջնորդարանի համալիրին օրհնութիւնը:

Հիմա հասած էր ժամանակը կատարելու մատրան անուանակոչութիւնը, 16 սինախաչերու, մկրտութեան աւազանի եւ սրբապատկերի օծումը, ձեռամբ՝ Առաջնորդ Սրբազան Հոր:

Հանդիսապետութեամբ Առաջնորդ Սրբազան Հոր եւ առընթերակայութեամբ Տ. Միւռն Ծ. Վրդ. Ազնիկեանի ու Տ. Պարթեւ Վրդ. Կիլիւմեանի, եւ մասնակցութեամբ Թեմիս քահանայից ու սարկաւազաց դասերուն, ի ներկայութեան մատրանս գլխաւոր բարերարներ՝ Տիկ. Աշխէն Փիլաւճեանի եւ իր զաւակաց՝ Տէր եւ Տիկին Վահրիճ եւ Սօսի, եւ Տէր եւ Տիկին Բեգլար եւ Վերա Փիլաւճեաններու, ինչպէս նաեւ՝ սինախաչերու կնքահայրերուն, խորանի, մկրտութեան աւազանի, մոմավառութեան սեղանի, վերնատան երգեհոնի եւ սրբապատկերի բարերարներուն, կատարուեցաւ հոգեպարար արարողութիւն՝ նորակառոյց Ս. Տրղատ եւ Ս. Աշխէն մատրան մէջ: Արարողութեան հաւատացեալներ սրահէն ներս թէ դուրս կը հետեւէին կենդանի սփռումով՝ պաստառներու վրայ:

Հոգեւորականաց թափօրը «Ուրախ լեր» շարականի երգեցողութեամբ յառաջացաւ մատուռ: Յուզիչ էր պահը, երբ հաւատացեալները միաբերան ամեն անգամ կ'երգէին հայու հաւատքի ընդերքէն ժայթքող «Ամեն. Ալէլուիա՛, ալէլուիա, ալէլուիա»: Եւ ամեն մէկ երգին հետ՝ Ս. Հոգիի օծութիւնը կը խնդրուէր մկրտութեան Ս. աւազանին վրայ, իսկ սին մը կ'օծուէր հաւատքի ախոյեաններու անունով: Օրհնուեցաւ նաեւ մոմավառութեան սեղանը, եւ Անդաստանի արարողութեամբ եւ օրհնութեամբ կատարուեցաւ Ս. Տրղատ եւ Ս. Աշխէն մատրան անուանակոչութիւնը՝ անուամբ Հոր եւ Որդոյ եւ Հոգւոյն Սրբոյ:

Օձման եւ օրհնութեան արարողութեանց աւարտին, յատուկ աղօթք եւ հոգեհանգիստ կատարուեցաւ Ազգ. Առաջնորդարանի գլխաւոր բարերարներու, յատկապէս՝ Ալեքսան Փիլաւճեանի, Ռիչըրտ Գարուլանի, Յայկ եւ Այկիլ Մինասեաններու, Տիգրան եւ Չարուհի Տէր Ղազարեաններու, բոլոր ննջեցեալ բարերարներու, ինչպէս նաեւ համալիրէն ներս իրենց սիրելիներու յիշատակին կանգնած սիւնաքանդակներու, խաչքարերու, ջրաղբիւրի եւ յուշակոթող ղօղանջին հովանաւորութիւնը ստանձնած բարերարներու հարազատներու յիշատակին:

ՊԱՇՏՕՆԱԿԱՆ ԽՕՍՔԵՐ

Հոգեպարար արարողութեանց աւարտին, «Տիգրան եւ Չարուհի Տէր Ղազարեան» սրահէն ներս, գործադրուեցաւ պաշտօնական յայտագիր մը, հանդիսավարութեամբ Փաթիլ Արոշեան-Գասպարեանի:



Շնորհակալական խօսքերով հանդէս եկաւ Շինարարական Յանձնախումբի Ատենապետ Տիար Վահան Պզտիկեան, ըսելով՝ «Այսօր մեր տարիներու երազը իրականացած է: Երազ մը որ Սրբազան Յայրը սնուցանեց երկար տարիներ եւ հասցուց այս իրականութեան՝ ձեր անվարան նեցուկով եւ յարատեւ քաջալերութեամբ...: Կոթողային այս գործը

իրականացաւ շնորհիւ ձեր անսակարկ նիւթական նուիրաբերումին եւ բարոյական քաջալերանքին: Ես շնորհակալական խօսք ունիմ մեր բոլոր բարերարներուն անխտիր, որոնք իրենց լուման ձգեցին այս ազգաշէն եւ եկեղեցաշէն գործի գանձանակին մէջ»:

Շնորհաւորութեան խօսքով հանդէս եկաւ նաեւ Ազգ. Վարչութեան Ատենապետ Դոկտ. Կարօ Յակոբեան, որ իր խօսքին մէջ բարձր գնահատեց յատկապէս Առաջնորդ Սրբազան Հօր տարած հետեւողական աշխատանքը եւ աննկուն կամքը՝ ունենալու համար Ազգային Առաջնորդարանի համալիր մը: Եւ իր խօսքը փակելով ըսաւ. «Սրբազան հայր, քու երկունքովդ ծնած այս տունը, այսօր կը նուիրենք Հայ ժողովուրդին. ես հոս կ'ուզեմ փակագիծի մէջ բնորոշել երկունք բառը իր հնագոյն իմաստով՝ «Նեղուիլ, յոգնիլ, չարչարուիլ», եւ նորագոյն իմաստով՝ «Աշխատիլ, բանիլ եւ գործել», որովհետեւ «պարտ է մեզ գործել յոյժ գգործս հոգւոց մերոց», մէջբերելով Ներսէս Լամբրոնացին»:

Սրտի խօսք արտասանեց նաեւ Հայաստանի գլխաւոր հիւպատոս Տիար Արմէն Լիլոյեան, որ նորակառոյց այս տունը կոչեց հոգեւոր օճախ մը, շեշտելով այն՝ թէ Աստուծոյ Հոգի'ն է որ քարեղէն այս շէնքը կը դարձնէ ոգեղէն կառոյցի:

Փակման, օրհնութեան եւ շնորհակալական խօսք արտասանեց Առաջնորդ Սրբազան Յայրը: Սրբազանը նախ փառք տուաւ ամենաբարին Աստուծոյ, որ «մեր բոլորին աղօթքները լսեց եւ Իր անունին փառաբանութեան, Իր իսկ հաստատած Հայց. Առաք. Եկեղեցւոյ

առաքելութեան տարածման եւ ժողովրդանուէր հոգելոր ծառայութեան նուիրուած լոյսի ու հաւատքի այս դարբնոցը կարելի դարձուց կառուցել: «Սրբազանը այս պահը «պատմական եւ անկիւնադարձային» օր համարեց, որովհետեւ անջնջելի տառերով կ'արձանագրուի Արեւմտեան Թեմի ոսկեմատենան մէջ: Սրբազանը շեշտեց, որ «Հայ ժողովուրդի



նիւթական եւ բարոյական անհուն զոհողութիւններով կառուցուած Ազգին այս Տունը՝ սեփականութիւնն է հայ ժողովուրդին...: Հայրենիքէ հեռու, Խաղաղականի այս ավերուն, հայրենիքէն բերուած սրբատաշ քարերով կառուցուած հայ հաւատքի նորագոյն այս խորանը, դէպի երկինք բարձրացող ամենօրեայ խունկ ու աղօթք է եւ յուշարար՝ հերոսապատում հայոց սիրալի ժառանգութեան ու ապագայի շքեղ իրագործումներուն»:

Ապա Սրբազանը երախտագիտական ու որդիական զգացումները յայտնեց Ս. Աթոռոյս Գահակալ Ն.Ս.Օ.Տ.Տ. Արամ Ա. Վեհափառ Հայրապետին, յիշեցնելով բոլորին, որ 2005 Հոկտեմբերը անմոռանալի պիտի մնայ Արեւմտեան Թեմիս պատմութեան մէջ, յատկապէս անոր համար, որ Նորին Սրբութիւնը ինք իր Հայրապետական օրհնութեամբ կատարեց Առաջնորդարանիս դեռ կառուցուող համալիրին տնօրինեքը, եւ իր քաջալերանքով ու օրհնութեամբ այսօր իր աւարտին կը հասնէր շինարարական աշխատանքը: Սրբազանը շնորհակալական ու շնորհաւորութեան խօսք ուղղեց նաեւ իրերայաջորդ Ազգային Վարչութեանց կազմերուն, «ազնուահոգի բոլոր բարերարներուն, նուիրատուներուն, շէնքի շինարարարական յանձնախումբին, ճարտարապետներուն, եւ բոլոր այն նուիրեալներուն, որոնք շէնքի գնման առաջին օրէն մինչեւ վերանորոգման աշխատանքներուն աւարտը՝ ճիգ եւ ջանք չխնայեցին նիւթապէս եւ բարոյապէս զօրավիգ կանգնելու ազգին տունը կառուցելու մեր համայնական ճիգերուն»: Յականէ յանուանէ յիշեց յատկապէս՝ Առաջնորդարանի գլխաւոր բարերարներ՝ Տէր եւ Տիկ. Ժան եւ Աստղիկ Պետրոսեանները, Ռիչըրտ եւ Թինա Գարոլան ընտանիքը, Ս. Տրդատ եւ Ս. Աշխէն մատրան բարերարուհի ազնուափայլ Տիկ. Աշխէն Փիլաւճեանը, Տէր Ղազարեան եւ Սիւլահեան ընտանիքները, «որոնք իրենց սրտէն ու հաւատքէն, Աստուծոյ ու հայ եկեղեցւոյ պայծառութեան համար նուիրաբերեցին, կանգուն, բարգաւաճ, շէն եւ կենսախայտ դարձնելու ազգին հոգելոր այս տունը»:



Առաջնորդ Սրբազանը այս առթիւ յայտարարեց թէ ազնիւ նուիրատուներ եւ պատուարժան բարերարներ, Ազգ. Առաջնորդարանի պաշտօնական բացման ուրախ առթիւ՝ կը կատարեն անելի քան 300 հազար տոլարի նոր նուիրատուութիւն: Ստորեւ կու տանք ցանկը նուիրատուներուն.-

Տեր եւ Տիկին ժան եւ Աստղիկ Պետրոսեան	100.000
Տիկին Աշխէն Փիլաւճեան	50.000
Դոկտ. եւ Տիկին Յովսէփ եւ Հիլտա Ֆիտանեան	35.000
Տիկին Տիգրանուհի Ռուհինեա եւ	
Տեր եւ Տիկին Էտմոնտ եւ Մարինա Ռուհինեան	35.000
Տեր եւ Տիկին Ասատուր եւ Տիանա Սարաֆեան	25.000
Տիկին Մարիամ Կարապետեան	25.000
Տիկին Անոյշ Մարթայեան	25.000
Տեր եւ Տիկին Յակոբ եւ Հիլտա Պաղտասարեան	6.000
Տեր եւ Տիկին Պետրոս եւ Աննա Օրունճաքճիւ	5.000
Տեր եւ Տիկին Վահէ եւ Վերոնիք Կարապետեան	3.000
Մի Ռմ	3.000
Տեր եւ Տիկին Հէնրի եւ Նորա Սահակեան	2.500
Տեր եւ Տիկին Գեորգ եւ Հուրի Աբոշեան	2.500
Մի Ռմ	1.000
Օրդ. Ռոզէթ Յարութիւնեան	1.000
Տեր Նարեկ Ա. Բիւյ. եւ Երեցկին Շրիքեան	1.000
Տեր եւ Տիկին ժան եւ Փաթիլ Գասպարեան	1.000
Հայց. Առաք. Եկեղեցւոյ Եղբայրակցութիւն	500

Խօսքի աւարտին, Առաջնորդ Սրբազանը աղօթք բարձրացնելով Աստուծոյ ըսաւ. «Ո՛վ Տեր Աստուած, խոնարհաբար ու ազգովին, Զեզի՛ ու Զու անհաս փառքիդ կ'ընծայաբերենք կոթողն այս հայակերտ: Դո՛ւն եղիր անոր պաշտպանը. բարի Աջքդ պահապան ըլլայ եւ նախանձախնդիր հզօր Աջդ պահապան: Մեր բարի ծառայութեան առաքելութիւնը պտղաբերէ, ի փառս ամենասուրբ Երրորդութեան, յանսասանութիւն Հայ Եկեղեցւոյ եւ ի բարի հոգեւոր վայելումն հայ ժողովրդեան»:

Սրբազան Հօր «Պահպանիչ»ով, «Կիլիկիա» մաղթերգի ու Ազգային օրհներգի միասնական կատարումով վերջ գտաւ պաշտօնական այս բաժինը:

ԽԱՉՔԱՐԵՐՈՒ, ՅՈՒՇԱՊԱՏԵՐՈՒ, ԴՐՕՇԱՍԻՆԵՐՈՒ, ԱՂՔԻՐԻ ԵՒ ԱՆԼՈՒՆԻ ԶԱՆՁԱԿ ՅՈՒՇԱՐՁԱՆԻ ԲԱՅՈՒՄ

Առաջնորդ Սրբազանը, պատուական հիւրերուն, բարերարներուն եւ հոծ բազմութեան ներկայութեան, կատարեց նախ Մատրան եւ Ազգային Առաջնորդարանի գլխաւոր պատերուն վրայ արձանագրութեանց բացումը, գլխաւոր բարերարներ Տեր եւ Տիկին ժան եւ Աստղիկ Պետրոսեանի եւ Տիկին Աշխէն Փիլաւճեանի հետ միասին քօղով վարագուրուած արձանագրութիւնները բանալով, ապա նաեւ կատարեց շրջաբակէն ներս կանգնած խաչքարերու, յուշապատերու, դրօշասիւներու, աղբիւրի եւ անլռելի զանգակ յուշարձանի բացումը:

Առիթ տրուեցաւ նաեւ յիշատակի լուսանկարներ առնել անհատ բարերար ընտանիքներու հետ միասին, ինչպէս նաեւ Ազգային

Վարչութեան, Տիկնաց Միութեան, Երիտասարդաց խմբակի, հայրենակցական միութեանց եւ կազմակերպութեանց ներկայացուցիչներու հետ:

Տեղի ունեցաւ պատշաճ հիւրասիրութիւն, հիւրընկալութեամբ՝ Robert's Catering-ի: Այս ընթացքին ներկաները առիթ ունեցան շրջելու եւ մօտէն ծանօթանալու գրասենեակներուն ու շէնքի յարակից մասերուն, ինչպէս նաեւ տարուած աշխատանքին:

Այս բոլորէն ետք մէկ բան կը մնայ մաղթել. Աստուած օրինէ՛ Արեւմտեան Թեմը, իր Առաջնորդով եւ հոգեւոր դասով, իր ժողովականութեամբ, բարերարներով եւ ազգայիններով, բարի ծառայութեամբ եւ աստուածանուէր առաքելութեամբ առաջնորդէ բոլորին քայլերը, անսասան պահէ Կիլիկիան դարաւոր Ս. Աթոռը, պայծառացնէ Հայց. Առաքելական Մայր Եկեղեցին, հզօրացնէ Հայրենիքը եւ ինտրիազարդէ մեր ժողովուրդի համայն զաւակները:

Պ.Վ.Կ.

OFFICIAL OPENING CEREMONY OF THE WESTERN PRELACY NEW HEADQUARTERS

*Unless the LORD builds the house, They labor in vain who build it;
Unless the LORD guards the city, The watchman stays awake in vain.
(Psalms 127. 1)*

On the afternoon of Sunday, May 6, clergy members, council members, community leaders, benefactors, donors, and hundreds of faithful congregated at the Western Prelacy to join H.E. Archbishop Moushegh Mardirossian, Prelate, at the official opening ceremony of the new headquarters as well as the naming ceremony and consecration of the pillars and baptismal font of the St. Dertad and St. Ashkhen Chapel.

Also participating in the ceremony were a number of official guests including Consul General of the Republic of Armenia in Los Angeles Armen Liloyan, representatives from the Armenian Catholic Church, Minister of the Armenian Evangelical Union of N. America Rev. Joe Matossian, A.R.F. Bureau representative Dr. Vicken Hovsepian, A.R.F. Central Committee representative Mr. Avedik Izmirlian and members, Catholicosate Central Executive Council members Mr. Khajag Dikijian, former Executive Council Chairmen Mr. Hrair Balian and Mr. Avo Donoyan, representatives from A.R.S., Homenetmen, Hamazkayin, compatriotic unions, Boards of Trustees, delegates, and Ladies Auxiliary members, Prelacy Schools' principals, and media.

At 3:00 p.m., prior to the official opening ceremony, sponsors gathered at the building for the ribbon-cutting of the respective rooms they sponsored

during which took place with the Prelate's prayers and blessings. The ceremony began on the first floor with the ribbon-cutting of the lobby, reception area, staff offices, conference room, "Dikran and Zarouhi Der Ghazarian" Hall, and bookstore. The Prelate and sponsors then headed to the second floor for the ribbon-cutting of the Christian Education Department, media room, CASPS, Board of Regents, Ladies Auxiliary, guest quarters, reception area, dining room, Prelate's living quarters, and the "Sulahian" reception hall. At 4:00 p.m., the official ceremony began with the ribbon cutting of the building's entrance by the Prelate and grand benefactors Mr. and Mrs. John and Asdghig Bedrosian.

During the Pontifical visit of H.H. Aram I, Catholicos of the Great House of Cilicia, His Holiness consecrated the altar and cross atop the St. Dertad and St. Ashkhen Chapel. On Sunday, May 6, the Prelate officiated over the official naming ceremony of the Chapel as well as the consecration of the sixteen pillars, baptismal font, and saint's icon, in the presence of Chapel benefactor Mrs. Ashkhen Pilavjian and sons Mr. and Mrs. Vahrij and Sossi Pilavjian and Mr. and Mrs. Peklar and Vera Pilavjian, and sponsors. The Prelate was assisted by Very Rev. Fathers Muron Aznikian and Barthev Gulumian and with the participation of clergy members and deacons. Following the consecration ceremony, requiem service took place for Prelacy benefactors specifically Mr. Alexan Pilavjian, Mr. Richard Carolan, Mr. and Mrs. Haig and Aysel Minassian, and Dikran and Zarouhi Der Ghazarian.

Following Chapel services, guests gathered at the "Dikran and Zarouhi Der Ghazarian Hall" for the official program which began with welcoming remarks by MC Mrs. Pattyl Aposhian-Kasparian, followed by remarks by Building Committee Chair Mr. Vahan Bezdikian, Executive Council Chair Dr. Garo Agopian, and Consul General Armen Liloyan.

In his closing remarks the Prelate first offered thanks and gratitude to Almighty God for answering our prayers and making our dream of building this bastion of our faith a reality. "This establishment, which was built with the continuous moral and financial support of our people, is dedicated to the spiritual, religious, educational, and administrative needs of our people. This hallowed building is the symbol of our rich heritage and our future achievements." The Prelate once again expressed his gratitude and filial love to H.H. Catholicos Aram I for the blessing of the home which he conducted in October 2005 during his Pontifical visit and for his constant encouragement and blessings. The Prelate then expressed thanks to the donors and sponsors, building committee members, architects, and countless servants for their continuous support of the Prelacy's endeavors and mission, and expressed his sincere appreciation and gratitude to grand benefactors Mr. and Mrs. John and Asdghig Bedrosian, Richard and Tina Carolan and family, benefactor of the St. Dertad and St. Ashkhen Chapel Mrs. Ashkhen Pilavjian, and the Sulahian and Der Ghazarian families for their enduring moral and financial support and their invaluable contributions to this project from its onset to its successful

completion. In closing, the Prelate announced that \$300,000 in donations were made on this joyous occasion by the following:

Mr. & Mrs. John & Asdghig Bedrosian	\$100,000
Mrs. Ashkhen Pilavjian	\$50,000
Dr. & Mrs. Hovsep & Hilda Fidanian	\$35,000
Mrs. Dikranoohy Roohinia and	\$35,000
Mr. & Mrs. Edmond & Marina Roohinian	
Mr. & Mrs. Assadour & Diana Sarafian	\$25,000
Mrs. Mariam Karapetian	\$25,000
Mrs. Anoush Martayan	\$25,000
Mr. & Mrs. Hacop & Hilda Baghdassarian	\$6,000
Mr. & Mrs. Bedros & Anna Oruncakciel	\$5,000
Mr. and Mrs. Vahe & Veronika Karapetian	\$3,000
Anonymous	\$3,000
Mr. & Mrs. Henry & Nora Sahagian	\$2,500
Mr. & Mrs. Kevork & Houry Aposhian	\$2,500
Anonymous	\$1,000
Ms. Rosette Haratoonian	\$1,000
Rev. & Yeretsgin Nareg & Baydzar Shrikian	\$1,000
Mr. and Mrs. John and Pattyl Kasparian	\$1,000
Armenian Ecclesiastical Brotherhood	\$500

The official program concluded with the benediction by the Prelate.

Following the official program, guests witnessed the unveiling of the plaques on the building and Chapel by benefactors Mr. and Mrs. John and Asdghig Bedrosian and Mrs. Ashkhen Pilavjian. That ceremony was followed by the blessing of khachkars, memorial walls, flag pole, fountain, bell tower monument and memorial garden. A reception ensued prepared by Robert's Catering during which guests had the opportunity to tour the building.

This email is broadcasted by [Western Prelacy of the Armenian Church of America](http://www.westernprelacy.org) - 6252 Honolulu Ave, La Crescenta, CA 91214 - USA. If you have any questions or comments, please do not hesitate to call us at (818) 248-7737 or send us your request by email to info@westernprelacy.org. Visit our Website www.westernprelacy.org Copyright . 2007 All rights reserved.